

KRIZYHPA CHIAHMIE

Feb & March
2014

Estd.

1926



Zisu Krista cha Abeipa a châ.
(Phil 2:10)

Monthly Issue No. 117 Feb & March, 2014

Printed at the ECM OFFSET Press, Siaha
Copy - 1300/2014

EDITORIAL BOARD

<i>Editor in-chief</i>	:	Rev.VL.Ngaia Hlychho
<i>Editor</i>	:	Mrs. N.Dawhniarili
<i>Associate Editors</i>	:	Mr. V.B. Mokhai
<i>Cir. Manager</i>	:	Mr. J. Rubena
<i>Members</i>	:	Machâ JB.Khaisia
	:	Machâ A.Khailua

A CHHÔH LIATA BIE YPAZY

Biepipa	Tho
Editorial	1
Khataih lia na y ?	2 - 3
Thâtiñ lapakhypa	4 - 9
Tiwa Mission field châta Donation piepazy	10 - 11
Bhutan Mission field châta hmosai piepazy	12 - 14
Nôzy maophaohna ..	15 - 23
Beipari Sunday	24 - 26
Machâ C. Hmeikhai eima chhah haw .	27 - 28

Editorial:

EIMA CHAKAONA

Pihnô Vaili nô ta Reithaina hla a vaw phipa “Eima chakaona vâ dei miah a thei ei” tahta he duah pachâ tua ei suh u. Tlai chu! chyhsapazy pi he Khih vaw deih ta awhsi a lei tyhpa hawh hrata khizaw liata eima hrona nohzy he vaw chhâ aw ta, keimo chhao eima lei hra aw. Eima thi hnôh lâta eima chyhsa heihzy ta miah amâ vaw theina awpa cha eima hrochhôn ta eima hmotaopa, a chhie tlyma a pha tlyma he a vaw châ tyh.

Eima Missionary kho ngaitapazy cha awhsi hawhta ama khaihnazy vaw lei ha hrasala ama chakaona vâta deikua atanoh taihta palôh liata lona noh rai hnei khao aw veih ei. Cha hawhna hra chata khizaw liata chyhsa rôhnahta hluhpizy chhao alei liata ama hmotaopa phapazy vâta atanoh taihta ryu sôhpa miah sopa ei ta, âmo y khao hra v’ei sala pathipalôh liata ama khaih ngathlâh haw. Hezy he ama zydua ta ‘**alei awhsizy**’ cha ama châ.

Hrohsopa Dania ta, “**Chyhsa hluhpi siana lâta a paheisatuhpazy cha awhsi hawhta chhâzaw ta ama khaih aw**” a tahta kha. Keimo ngiapâtuhpazy he awhsi hawhta chhâzaw ta eima khaih thei hra, cha cha eima chakaona he a châ. **Thatihpha chho** he Marapazy ta a pasyu lymâ ei suh u, eima tao theina zydua papua ei suh u. Eima chi nata pho eimâ boh nawpa lâthlôh nata awhsi hawhta chhâzaw ta eima khaih thei nawpa a ypa he chyutlâ patu lyhlia ei suh u.



Sermon:**KHATAIH LIA NA Y?***(Athaona 3:9)**Machâ KT. Laitah, Miepu*

He bie heta ei palôh na khai ngâsâ ta, angiapâtuha zydua nata keima tlai chhao he aw ngâ byuha vaw châ hra na ta, a pei ngâsâpa ta ei pahno. Ada nata Ivy kha reingiah leina, hmoparaona vâta Khazohpa nahta amâ kao tyhna tleisai ha ei ta, Abeipa hmia rai kha khao leipa ei ta amâ vaw nyusai haw. Khazohpa ta ama paraona viarithô awpa khoh leipa ta, a kyhpachâna ta mothlih chhaota a aw ngâkaw.

Nâma zaw? Ngiachhiena byhnâ zy, chiehlei tlâh leina tawhta na vaw tlâh theina zy, alyna nata palôhtlâhna zy, ao pha-angiana zy, lahpînô nata vahpa zy, saw kho ngaitapazy, sona-novâhna zy, sôh nata thih byhnâ zy maniah pie chyu ta, cha su tawhtapa cha Abeipa a heihsaipa ta khizaw haosai lia zy, paritheipa nata chanô chapawna liata zy a vaw nyusai haw khiah pi maw ei tah tyh. Hosia 11:2 liata cha “*Awpa ama châ nahta a hla via ei ta, Baal sahlao lâta tlaô atheih tyh ei ta, nohtlâhpa taopa lâta rohpahâhpa ama rao*” tah ta.

Lyurâhpa sazy cha eima aw khiahtala amâ râ ha tyh. Sahroh deikua eima aw khiahtala amâ vaw di tyh. Awna ao a pahno khoh leipa cha ngiachhi amâ chhi ngâsâ. Lyurâh sa châ thlâh ha khiah pi maw? Apachâpasia via tua ei suh u, eima palôh liata a vaw lâpazy a y thei ngyu na.

Abasalaw ta a paw abei châna a chhu khona vâta adyuh awpa ta siehnao ta, aoka tho liata a taw ha ta, ama thie haw nota a paw Davi ta a kyhpachâna vâta “*Hy ei sawchapawpa Absalaw y, na vyuhpa ta tiao ei thi thlâh ha awpa tlai! Hy Absalaw, ei sawchapawpa, ei sawchapawpa y!*” tah ta, kyhpachâna vâta mâchhiesana ao a châ (2Sam. 18:33). Khazia Abeipa tawhta na pavia sai thlâh haw tly? Thokha ta ama khitlyna liata ama châna my ha tyh ei ta, thokha heih hrata khi hro lâ pha kaw ta, ama local lia hmâhtlâh a châ leipa ama y heih hra. Pihpathi a tahpazy tlai cha âmo kho dâh ta niedoh ei ta, paru-pangana zieh hra veih ei. Pahânoh zy khâpa hmah ziechhôhpa y thai khao leipa ta, aw byuh, angiahpa sai châ khai haw pi ta. Awnanopa chhihthatuhpazy chhao Abeipa sathaw thupa ama châna my raruah ei ta, ano leipa lâta ama tleisai khai ha he zaw! Sahrohzy hmahta azipa awna ao pahno ta, o a ngai tyh mâh tâh. Chavâta Abeipa ta miah a awna ao he thei lei nahpâ a pachâ khao leipa ta, Abeipa lâ kua ei sihla, reihpha a cheipa ta, ro ei suh u. Reithaina hla taotuhpa ta,

Khazoh aw hai thei va na ma?

Khizaw haosai ei khoh via ma?

Hrona kôzy, chatlie ta lei,

Ei thlahpa â mô thlâh aw ma? (KHB No. 275)

A tahpa hawhta atahmâ chhao a kyhpachâna ao ta a cha aw ngâhai. Na uasa lei khihtala, a hiatliana vâta a cha chhorei ti ta la ngiapachhi pahnai khao aw vei.



THATIH LAPAKHYPAZY

1. ECM KNP Pakhyi 2014 Pala report:

- 1) KNP Branch atlôtheipa – Branch 84
- 2) Khichhai atlôpazie – maluh 3554
- 3) KNP Branch Hlapy hneipazie – Branch 38
- 4) Delegate LIKBKHP tawhta — 3
- 5) Pastor & Pro. Pastor atlôpa – 24
- 6) Thyuna atlohpakhypa – Rs. 1,25,738/- MGC
Hospital châta a châ
- 7) MBH Donation atlohpakhypa – Rs. 71,028/-
- 8) 2016 ECM KNP Pakhyi hneina awpa su cha - Kiasie a
châ

9) ECM KNP 2014-2016 chhihthatuhpazy

President	–	H. Zoramthangi
Vice President	–	Mach K. Pari
Secretary	–	Lynn H. Ngohei (ECM Assembly)
Asst. Secretary	–	K. Zeihne
Finance Secretary	–	K. Lawmi
Treasurer	–	NT. Sanô

1. ECM Local Church 88 liata 28 zy ta kô 2012-2013 ECM Assembly Target ama patloh haw. Apatloh mâh leipazy tiama papua ei sihla patloh lyhlia a chhuah chy u ei suh u.

2. Dt. 19-23, March, 2014 ta LIKBK Assembly Sangyu liata vaw y awpa liata T. Salem KTP Branch Hlapy cha ECM Assembly Delegate Hlapy châta tuapa ama châ.

3. **Krizyha Hawti Py (KHP)** Chhithana Bu taopa châta, Branch to hnohta copy 5 sai paphaopa a châ. A khoth baichhipa ta cha KHP Co-Ordinator, ECM Assembly Office hnohta pado theipa châta. A mâ he bu 1 ta Rs. 50/- a châ.
4. Eima Missionary Satlia Buipisang (Pipi), Mishing Field liata a hria ngâhaipa cha Dt. 7th Feb. 2014 khata Siata ECM Achhyna o liata Laihsa B. Lalhlimthangi nahta dyhchâ pathaiha kupatuna ama hnei. Eimâ lykhei ngâsâ.
5. Puhpa RC. Beilaizi Bohia, ECM Music Co-ordinator cha Khopai KTP Branch zy tari 17-23 March, 2014 chhôngta Solfa Camp hneikhei awpa ta ama vaw hiana hawhta paryhsapa a châ.
6. ECM KPP Day ei 5-na Dt. 20th February cha Branch tota Biepipa, “Abeipa hmâh tlâhpa” (2Tim 2:21) tahpa hmâpa aly kawpa ta ahmâpa a châ. Siaha Bazar KPP Branch zy ta ama Day Speaker châta Rev. Danny Chozah amâ hmâh.
7. Dt. 13-22 March, 2014 khita Meisavaih Camping Board pachhuaupanohpa ta ABC Home liata Camp hnei awpa châ ta. Speaker châta Evan. Henry Lalhmingthanga, Synod Revival Speaker apahawhpa a châ.
8. ECM & CCIM Joint Hlabu Revision Board 20-21, Feb liata atyuhpakhypa châ ta, hla nuby 150 taihta patlôpa châ ta. Atakô chhông liata Hlabu he patlô khai awpa ta hmahlapa a châ.
9. Rev. Ch. Chhama, SES cha Bible Society, Aizawl Auxiliary Committee a hlaopa ta 20th Feb liana khata Aizawl lâ a sie.

10. Eima awnanopa nôpawpa Rev. Thylua Hlychho, Rev. T. Salaw nata Rev. FC. Beicho zy ta Chhaolo tly ei ta, Local Church thiehpa moh châta Sharon Local Church tahpa ta tari 17.2.2014 noh ta bipa a châ.
11. ECM Assembly Moderator 2012-2013 Rev. Thylua Hlychho ta Dt. 21/2/2014 ta Saikao tly ta, Dt. 23/2/2-14 ta Thosaih a tly ta, Seminar - “Bible nata Sôh kyh” a hneikhei ei. He tana heta eima Moderator heta a term chhôngta ECM Local Church 88 a tly paki khai thei haw.
12. Eima Missionary thokha yna pasiepa châ ta, Laihsa B. Melyjee cha Arunachal tawhta Mishing Field lâta. Satlia HC. Lalbiaksanga cha Chakma Field tawhta Arunachal lâta pasiepa ama châ.
13. Rev. Pheitha Lava, Tipa Biatuhpa nata machâ K. Chhiehrau, New Colony zy cha Baptist Church of Mizoram Assembly Lolei lâ Delegate ta March 6, 2014 ta ama sie.
14. Rev. Thylua Hlychho, Rev. L. Chhieto nata machâ JC. Mawsi zy chhao MEC Assembly Ngiaphiapi lâ Delegate ta ama sie hra.
15. Khiehchhông Awnanopa nôpawzy atlyh nawpa daihti cha April thla châ aw ta. Election result chhao Senior Executive Secretary hnohta report awpa a châ aw.
16. Laihsa Elen Hlychho cha April thla liata NEICCYA pakhyipi

Siaha Vaihpi awnanopa liata hnei awpa patohpatia awpa ta Aizawl lâ a sie.

17. ECM Hospital tly nawpa Routine (KNP):

- 1) May 11, 2014 - Siaha Vaihpi
- 2) May 18, 2014 - Shalom
- 3) May 25, 2014 - Thosai
- 4) June 1, 2014 - Bazar
- 5) June 8, 2014 - New Siaha
- 6) June 15, 2014 - Siahatlâh
- 7) June 22, 2014 - Bethlehem
- 8) June 29, 2014 - Trinity
- 9) July 6, 2014 - Edenthar
- 10) July 13, 2014 - New Colony
- 11) July 20, 2014 - Bethel
- 12) July 27, 2014 - Council vaih
- 13) August 3, 2014 - Bethany
- 14) August 10, 2014 - Collegevaih
- 15) August 17, 2014 - Gilgal
- 16) August 24, 2014 - Ebenezer
- 17) August 31, 2014 - Meisavaih
- 18) Sept 7, 2014 - Bethesda
- 19) Sept 11, 2014 - Immanuel

18) ECM General Assembly ei 91-na cha New Siaha Awnanopa liata Dt. 26th February – 2nd March chhôngta hneipa châ ta. Biepipa cha “*Thatihpha he chho teh u*” (Mk 16:15). Assembly chhông thyuna he Maraland Gospel Centenary (Nursing Home) Hospital châta a châ. Report tlâhpiapa:

Assembly Officers:

- | | | | |
|-------|-----------------------------|---|--|
| i) | Rev. Dr. M. Zakonia | : | Moderator |
| ii) | Rev. Thylua Hlychho | : | Outgoing Moderator |
| iii) | Rev. T. Salaw | : | Secretary (Sr) |
| iv) | Machâ JC. Mawsi | : | Secretary (Jr) |
| v) | Machâ HT. Philip | : | Statistician |
| . | Member zie tlô pakipa | - | 505 |
| . | Machâ taokheipa zie | - | 12 |
| . | Awnanopa nôpawpazy: | | |
| i) | Senior Executive Secretary | - | Rev. P. Riabi |
| ii) | Executive Secretary (Edn) | - | Rev. FC. Beichô |
| iii) | Executive Secretary (Misn) | - | Rev. T. Salaw |
| iv) | Moderator Elect | - | RevCh. Chhama |
| v) | Assembly Secretary (Jr) | - | Rev. L. Lychhua |
| vi) | Assembly Auditor (Jr) | - | 1) Machâ K. Chhiehrau
2) Machâ A. Khailua |
| vii) | Finance Officer (2014-2015) | - | Rev. C. Beima |
| viii) | Director R&E (2014-2017) | - | Rev. Thylua Hlychho |

ix) Administrative Secretaries

- | | | | |
|------|--------|---|-------------------|
| i) | Aizawl | - | Rev. NC. Vabeilua |
| ii) | Saikao | - | Rev. JR. Sanga |
| iii) | Phura | - | Rev. Khabi Chozah |

x) KTP President Elect

- | | | |
|-----------|---|-----------------------|
| (2014-16) | - | Rev. Chhuakhu Khithie |
|-----------|---|-----------------------|

xi) KNP Secretary

(2014-2016) - Pihnô Lynn H. Ngohei

xii) KNP Senior Advisor

-1) Machâ L. Otha
2) Rev. Thylua Hlychho

xiii) HCF Advisor

- 1) Rev. C. Beima
2) Machâ HC. Zakhaw

* ***Pastor châta chahnaopazy***

1) Pro Pastor Beipisa Mihlô
2) Pro Pastor NC. Beihrosia

* ***Pro. Pastor châta lapazy***

1) Mr. C. Zawsia, Siata
2) Mr. A. Zawngia, Khopai
3) Mr. HT. Beingachhi, Lobo

* ***Further Study sie awpazy***

1) Rev. Danny Chozah, DTh a chu awpa
2) Rev. Setha Solo, MTh a chu awpa
3) Miss C. Partei, MTh a chu awpa
4) Rev. KP. Azyu, BD a chu awpa

• Kô 2014 ECM Kô phuahpa cha 'Krizyha Chhôhkha' a châ.

• Kô 2015 ECM Assembly ryureina nawpa su - Edenthar

Report:**TIWA MISSION FIELD CHATA
DONATION PIEPAZY**

Nama hmosaipiepa vâta Tiwa Evangelical Mission Office cha a chhâh khana vaw patlô thei ha pi ta, Abeipa nata eima Field moh ta alyna bie ei cha hlâ ei. Nama chô liata Abeipa ta byhnâ cha pie lymâ mawh ei sy. Mopakha, Py nata awnanopazy ta nama hmo piana zie cha he hawhna heta a châ.

1.	Siaha vaihpi Local Church :	Rs/ 1,00,000/-
2.	Rev. Dr. Laiu Fachhai & Debbie Fachhai :	Rs. 50,000/-
3.	Puhpa S. Hiato, New Siaha :	Rs. 50,000/-
4.	Pihnô K. Muansangi, Siaha vaihpi :	Rs. 5,000/-
5.	Pihnô J. Lilly, Bethany :	Rs. 2,500/-
6.	Puhpa K. Beihmolai, Aizawl :	Rs. 2,000/-
7.	Pihnô S. Khaidi, Siaha vaihpi :	Rs. 1,000/-
8.	Laihsa Ng. Tlani, Siaha vaihpi :	Rs. 1,000/-
9.	Tipa Pastor Bia :	Rs. 5,000/-
10.	T. Electric Local Church :	Rs. 3,000/-
11.	KNP, T. Electric :	Rs. 3,000/-
12.	KNP, College vaih :	Rs. 3,000/-
13.	Chapi Khithie Local Church :	Rs. 1,000/-
14.	Puhpa Nixon P. Notlia, Aizawl :	Rs. 1,000/-
15.	Machâ N. Hiala, Bethesda :	Rs. 1,000/-
16.	Machâ J. Beichô, Bethesda :	Rs. 1,000/-
17.	Laihsa Hilda Esther, Siaha vaihpi :	Rs. 1,000/-
18.	K. Machâ NT. Pacho, Siaha vaihpi :	Rs. 1,000/-
19.	Pihnô Tatlai, New Colony :	Rs. 1,000/-

20. Pihnô HC. Ngosua, College vaih	:	Rs. 1,000/-
21. Satlia K. Hudson, New Colony	:	Rs. 1,000/-
22. Mendy K. Nosia & Celina K. Lynapawngia	:	Rs. 1,000/-
23. C.R Christopher Kôzabi Byhna, Siahatlâh	:	Rs. 600/-
24. Pihnô S. Zahnia, Ebenezer	:	Rs. 500/-
25. Machâ Beimosá Azyu, Bethesda	:	Rs. 500/-
26. Machâ Beihla, Pala	:	Rs. 500/-
27. Pihnô MC. Manu, Nazareth	:	Rs. 500/-
28. Machâ N. Zachô, Bethesda	:	Rs. 500/-
29. Rev. C. Beima, ES (Misn)	:	Rs. 500/-
30. Machâ N. Zakhai, New Colony	:	Rs. 500/-
31. Puhpa John Beizachhi, Siaha Vaihpi	:	Rs. 500/-
32. Pihnô T. Pawchhai, Meisavaih	:	Rs. 300/-
33. Satlia James Bikao Fachhai	:	Rs. 300/-
34. Beibiechhopatha, Tiwa	:	Rs. 200/-
35. Beibielai, Tiwa	:	Rs. 200/-
36. Beichakaorili, Tiwa	:	Rs. 200/-
37. C.R. Vanlalruatdika, Siahatlâh	:	Rs. 200/-
38. C.R. Sabingia, Siahatlâh	:	Rs. 200/-
39. Pihnô Sipy	:	Rs. 100/-
40. Pihnô Haddy Chozah	:	Rs. 100/-

*Sd/- Rev. K. Laichhua Azyu
Field director
Tiwa Evangelical Mission
Pachim Nagoan, P.O. Jagiroad
Morigoan District, Assam*

BHUTAN MISSION FIELD CHATA HMOSAI PIEPAZY

A hmiatua ta eima Beipa Zisu Krista moh ta chibai eimâ châ bu. Bhutan râh chakaona tawhta furlong hmâpa ta eima râh 16th September, 2013 liata eima kaw tlô. Eima chakaona vâta râh hropa liata eima y chhôhta chakaolâhpa, viasa, nôpawpazy ta thina chavah miah chaka sai ha ei ta, ama chhôhkhâ yruna liata eima taokhei hmeiseih.

ECM Hqrs. Nôpawpazy ta Local lâta report pie awpa maniah pasai ei ta eimâ ly kaw. Ama daihti sôh kawpa maniah a tleipa zydua hnohta alyna bie eima reih. Daihti hluhpi eima hnei lei vâta eima tly hmâ leipa Local zydua pachâthaina eimâ châ haw. Nama thlahchhâkheina nata nama hmosaipiepa zydua vâta Abeipa moh ta alyna bie eima cha hlâ. Paw Khazohpa ta ECM Nôpawpa zy, awnanopa nata mopakha miah baotupa zydua hnohta byhnâ cha pie ei sala, cha hrôhbieh lymâ ei se. Thlah khâ miah vaw chhâpa lymâ teh u.

Khokheina sôh nata hmosaipa maniah petuh penawhzy:

Local Church nata Presbytery:

- | | |
|-----------------|-------------------|
| 1. Collegevaih | 2. New Siaha |
| 3. Bethel | 4. Tipa Local |
| 5. Tipa Kanaan | 6. Lopu |
| 7. Samari | 8. Zyhno |
| 9. MCF Guwahati | 10. Presbytery IV |

Fellowship Department:

- | | |
|------------------------|--------------------|
| 1. Mission Board, Lopu | 2. KTP, Lopu |
| 3. KNP, Lopu | 4. KPP, Lopu |
| 5. KNP, Zyhno | 6. KPP, Zyhno |
| 7. KNP, Lotai | 8. MSO, Guwahati |
| 9. KNP, Electric | 10. KTP, Meisavaih |

Mopakha nata Chhôhkhazy:

- | | |
|-----------------------------------|-----------------------------------|
| 1. Ngovi paw chhôhkha, New Colony | |
| 2. VB. Sawma, New Colony | |
| 3. Travis paw, Siahá Vaihpi | |
| 4. Chasa nô, New Colony | 5. Parte, New Siahá |
| 6. Arengi, College Vaih | 7. S. Dualai, New Colony |
| 8. Ngura nô, Meisavaih | 9. Pachhua nô, Meisavaih |
| 10. Merylyn nô, Tipa | 11. Hlima paw, Tipa |
| 12. Zawkhái nô, Tipa | 13. KNP President, T. Local |
| 14. Khaichô nô, Tipa | 15. Khaihupaw, Ahmypi |
| 16. VT. Zawsí, Ahmypi | 17. Rachupaw, Lopu |
| 18. Zuala paw, Lopu | 19. Cheitha Solo, Lopu |
| 20. Beichakao paw, Lopu | 21. Flory nô, Lopu |
| 22. Khaihmo nô, Lopu | 23. M. Maso, Lopu |
| 24. Hneiso nô, Zyhno | 25. Siano nô, Zyhno |
| 26. Vuasa nô, Zyhno | 27. Feri nô, Zyhno |
| 28. Siabei paw & nô, Zyhno | 29. Ngori, Guwahati |
| 30. Mesak, Guwahati | 31. Dr. V. Sawmveli, College Vaih |
| 32. Puhpa Ramo, Lopu | 33. Machâ Hc. Hriecho, Meisavaih |
| 34. Machâ T. Zahlei, Meisavaih | |
| 35. Estheri nô, New Siahá | 36. Beihmolai nô, Aizawl |
| 37. Puhpa N. Zawsua, Aizawl | |

Eima my pathleipa a y khiah ngiahtaina eimâ châ haw.

Pati nie maniah hruatuhpa zydua nata eima saw Zawhana hnohta sôh nata hmosaipa a piepa zydua hnohta eima Beipa Zisu moh ta alyna bie eima reih. Zyhno Local, Ahmypi Local nata Lopu Local zy ta pathliena programme taopa ta niepahmaohna miah taopa ei ta, alyna bie eima reih hmeiseih. Eima chakaopa Khazohpa ta byhnâ hluhpi cha pie ei sala cha ypâ lymâ ei se.

Kriata liata nama chakaolâhpa

*FC. Tlôhnei, Seihnai nata Zawhana
Bhutan*



Article:

NÔZY MAOHPHAOHNA

Lynn H. Nghei

Chanôzy he Khazohpa lyupa ta taopa, maohphaohna lai kawpa piepa châ pi ta, eima maohphaohna topazy he eima patlô tlyma, Noh hro Khazohpa kô eima tlô tita eimâ reih pasia awpa a châpa vâta achu pazi awpa he chhâ thei vei.

I. CHANÔ CHA KHÂPA DUAHMOZY LIATA MAA Y?

1. Lahpinô: Eima râh duahmo liata chanô cha a vaw pihna nôpaw hnohta a y palâh thai awpa châ vei. Dyhchâ a vaw daih ta, chyhsa lahpinô a vaw châ. Nôpaw, narô, rilâh, chhôhkhâ thiehpâ, a pahrâlâh beih leipa, ama riarô a pahno beih leipa hnohta pahrâ ta, ‘lahpinô’ châ awpa duahmo liata a y. ‘Lahpinô tlâh châ vei’ tahpa a hlao thei awpa duahmo liata â duah. Chanô nata chapaw cha a chakao veichâh, a deichhy raihrie, a za raihriena su liata a duah awpa ama châ. *Pôh no châ khao leipa ta, pôh kha ama châ hapa vâta.* (Mt. 19:6)

2. Nô: Chanô cha lahpinô a vaw châ tawhta saw sana ta pazi ta, Nô châna duahmo liata thlai â vaw duah. Nô duahmo he duahmo khochhih kawpa nata uahva a chhih kawpa a châ. Saw vaw sa ta, mohhônna rai hriapazi awpa thlai a vaw byuh. Alyna nata thaphana hluhpi a y nota deikua atymâna, atuchaphiena awpa hluhpi a vaw hnei ha hra bâ.

3. Mahnô: Daihti vaw sie lymâpa liata nô ta a siepahlie thlyu awpa cha mahnô châna duahmo a châ. Thyutlia kawpa mahnô duahmo liata aduahpa chhao hmo y theipa a châ, a siepahlie awpa

cha mahnô liata Nôpipa châna a vaw y heih. Nôpipa châna he hoh a chhih lei kawpa a châ. Yruna, palôhliena hro achakaihpa a châ. Eima palâsapa zydua khi nô ta a siepahlie khai awpa a châ.

II. KHAZOHPA TA CHHICHÂNA (QUALITY) A PIEPAZY

Khazohpa rôhnahna eimâ laichadai beih tlyma? Hmo nawh kawpa nata a châ awpa rai khiah ma eima tahpazy he pakhâta ta eimâ chu pasia khihta cha yzie a hnei kawpa sai a vaw châ. Chyhsa tozy he zie nanopa, riarô nanopa ahneipa ta taopa eima châ chy. Ahly lai viapa ta chanô nata chapaw he chhichâna nanopa ahneipa ta taopa eima châ. Khâpa vâta ma nô kyhpachâna pasazie he eima reih tyh? Ary liata eima palâsapa chanôzy chhichâna athaisopazy ta ama hmônazie he moh tua ei suh u.

1) Nôphana (Kindness) – Khazohpa ta chanô chhichâna liata a pahlaopa kho achhih kawpa cha Nôphana he a châ. Chyhsapa raih-rieh chapaw ta a oh thei leipa hmo he chanô ta deikua a mao-oh thei thlâh haw. A pakhona ta chyhsa ta chanô chô liata hmopha leipa vaw tao sala, chapaw ta thlai a thyu khei thlâh ha awpa he chanô ta deikua cha a oh thei thlâh ha tyh. He he saw nata o chhôn mohhônna liata tovyuh lai kawpa piepa eima châna vâta a châ.

He hawhpa a châ nota deikua cha eima râh liata chanôzy duahmo eima moh khihta cha; chanôzy he ochhôn liata raihria he zakha liata zakha thythlupa ama châ. Hmo tao tyhpa tao ngâthlâh ha awpa ta hnabeiseihpa ama châ, eg- Nohchareih beihchho, beihphiah pasi, ochhôn pathai etc etc. tahpa liata ama rie eima pathei tu hapa vâta chanô thokha ta; kyh-reina, mohropa ahnawna,

paphôhna lâta pua tyh ta, ama vaw mao-ohtyha zydua cha oh pathlah khao leipa ta, paphôh papua tyh ei ta, cha cha chanô thokha ta tlaichâna lâta ala ei ta, ‘chanô kyh rei thaipa, chanô paphôh thaipa, chanô chhiepa’ tahpa ta pahnopa ama vaw châ tyh. He he a chhâ chaipa cha a palôh liata a veihpa, a palôh pasanazy, ruchhônna zy nahthliehtuhsa/ reipapuana awpa ama hnei tyh leipa vâta a châ chai.

2) Palôh thathyuna (Emotional): Chanô chhichâna miakha heih cha Palôh thathyuna ahneipa ama châna he a châ. Khâpa ma a châ tahpa achupasia/ pahnopasia achhuah leipa ta thlai thyukheipa chyhsa ama châ. He heta sawzy hrôbieh ta, mohhôn pazina kyh liata a phahnai ngaita. He hawhpa chhichâna (Emotion) he hmâ thaipa a châ khahta cha a hrohruana châta hmo phahnai kawpa châ ta, sawzy mohhônna kyh liata a sosina a tlôkhei.

Anodeikua palôh thathyuna he hmâchhei theipa a châ hra. Eg. “na saw a tla hu, a thi thlyu aw” tahpa ta chanô ama chho khiah cha, khâpa ma a duasu tahpa pasia tua hlei leipa ta thlai a râ aw ta, a cha pâ lymâ aw. Chapawzy cha chahawhpa châ veih ei, a thi tlai ma tahpa tiao ama pasia tua aw. He hawhpa he chanô duahmo a châpa vâta Awnanopa liata aly-lâna daihti liata chhao chanô palôh cha thlai aly ta, hmo byuh leipa taih ama tao tlamaw pâ ngâkaw tyh. Emotion he hmâ phahnai thei awpa ta achu chhy theipa a châ.

3) Hnabeiseihna pasipa (Hope / Perseverance): Chanô chhichâna peimawh kawpa Khazohpa ta a piepa cha hnabeiseihna pasi kawpa ama hneina he a châ heih. Sawzy chô liata hnabeiseihna pasi kawpa ama hnei. E.g. Sawchapaw chhoru kawpa a hneipa

nama y pathlei khiahtala, atahmâ he thlai pachâpazi tua u. Saw cha thlai a vaw pha thei leina daihti liata paw (chapaw) ta a hnabeiseina thlai a pahlei tyh. Nô deikua tala, a chhâna taihta a hnabeiseihna a pahro tyh. He hawhpa a châpa vâta chanô kyhpachâna he a pasa kawna tahpa a châ tyh.

4) Daotheina/tao hualua theina (Patience/Sincerity) – Daotheina he Khazohpa ta chanô chhichâna liata a piepa hmo ngia kawpa a châ heih hra. A pakhona ta ‘pala ahnykhaw khai hapa’ he chanô nata chapaw hnohta pie ei sihla, chapaw tala buakha vaw pathlâ aw ta, thlai a ai aw, chaphie chadawh khai awpa a khoh thlâh ha aw. Chanô deikua ta cha zôpha kawpa ta dusawta ta pathlâ hnolo aw ta, a tlôna taihta a pathlâ thlâh ha aw. Chahawhpa daotheina/tao hualua theina cha chanô ta a hnei, a rôhna kaw. Saw mohhôhna liata daotheina he a peimawh ngaita.

III. CHANÔ HNOHTA KHAZOHPA TA MAOHPHAOHNA A PIEPAZY

1) Saw sapa a ch: Khazohpa ta Ivy nata Ada hnohta ‘chi hluhpi pathlapa ta pôhpa ta, aleilô he bie u la’ (At.1:28; 5: 1ff) a tahpa kha châ ta, cha liata ano pôhpa tawhta ano hawhpa chyhsa a vaw pih awpa cha chapaw tawhta châ leipa ta, chanô tawhta a châ. Chanô cha saw sa awpa ta taopa a châ.

2) Kyhpachâtu hpa a châ: Chyhsapa a laiseih lymâpa ta a peimawhpa cha kyhpachâna he a châ (1Kaw 13:8). Nie awpa pie thlâh hapa he châ leipa ta, nie awpa cha kyhpachâna chôta piepa he a châ. Cha kyhpachâna cha ahruva vâta dei leipa ta cha chanô ta a chhoh tawhta a vaw pihpa cha kyhpachâ lei thei vei. Nô ta a saw kyh a pachâ.

3) Mohhôhtuipa a châ: Chanô ta ano tawhta a vaw puapa hawsaihpa sa ta, siesai thlâh ha thaipa châ vei tahpa a pahno. Chanô ta saw sa ta, a mohhôhpazi awpa cha hmo byuhpa a chânazie â lâ pasia, saw chyh nawpa ta, a pati nie thei tuachaipa pie awpa ta chanô ta sâhpi a hnei. He heta chanô cha hrona pietuhpa deita châ leipa ta, mohhôhpazi awpa ta maohphaohna piepa a chânazie a palâsa ngaita.

IV. NÔ MAOHPhAOHNA

A chô liata chanô chhichâna Khazohpa ta a piepazy eimâ chupa tawhta a peimawh kawpa cha; chanô chhichâna eima reipazy cha saw sa nata mohhôh awpa eima châna vâta eima hneipa/piepa eima châ.

2. Saw chhithana liata nô maohphaohna: Nôzy tlu ta sawzy mohhôhna kyh liata a daotheipa he ahy hmahta y veih ei. Ary liata bie (poetry) he pachâ tua ei sihla, Nô ta khatino raita nôpha ngaita kawpa ta, daothei kawpa ta nata hnabeiseihna phapa hneina chô ta a tao hoh.

Ei nâ, ei nâ khochai

Ei tlâh lei nota na mohhôh chi ta, na pi chi ta, khih eina padei khei tyh chi;

Ei nodi ta nie awpa na pie chi,

Ei cha nahta na pangâ chi

1) Nô cha saw châbu rei hmiatua chaipa a châ: Hawsaih a vaw pih tawhta thla 6 taihta a peimawhna cha a nô liata â pahnieih. Chapa ta a nô bie â chho tyh. A rei thai tuachaipa chhao a nô ta a piezie ta a chhopazy a châ. ‘AAW B’ a rei thai hlâ ta a nô deikua

a rei thai. Chavâta saw châbu reithai tuachaipa cha Nô a ch. Saw ta a châbu reipa a pha khiah, saw chhao pha lei thei aw vei.

2) ***Nô cha pachutuhpa hmiatua chaipa a châ:*** Hawtipa cha a vaw pih tawhta kô 2 taihta a nô khâchâ a bai ta, saw châta nô cha; a do chaipa, a thai chaipa, a pha chaipa a châ. Hawtipa ta chahawhta a pachâpa pachupa nata â piezie cha â chu tyh. Reihkah, hrozie, taozie nata piezie cha a nô tawhta a lapa sai a châ. Chavâta pachutuhpa hmiatua chaipa cha nô châ ta, pachutuhpa phapa a peimawh.

3) ***Nô ta sawzy zana a to awpa a châ:*** Chahawh tlupo ta nô ta a buakheipa saw a vaw pitloh nahta Nô zana hnei leipa ta a y awpa he hmo dopa châ vei. Nô ta saw zana a to awpa he âphuhpa dei châ leipa ta, a to hialia awpa a châ. Sawzy ama pitloh nahta nô ama za thai khao leina chhâpa he eima pachâpasia awpa a peimawh ngaita. Biehrat ta “*Hawtipa cha a siena awpa lâpi liata pachu u la, a machâ tita chhao sie sai aw vei.*” (Bieso 22:6)

Sawzy ta nôzy za leipa ta ama vaw pitlohpa he a châbu reipa nata a pachutuhpa hmiatua chaipazy pha leipa vâta a châ thei ma? Eima râh liata a pachaipta ta sawchapawzy ta nô ama za leina he hmô awpa hluhpi a y. India râh liata viahpa eima tahpa zy, atahmâ hlâta eima pahâh kawpa Korea film-zy he pachâ tua ei si; ama nôpaw cha ama hmipha ma, chhie ma, a kheihawhpa rai châ ei sala, ama za kaw. Sawchawpaw pôh-raoh pha ngâsâpazy ta ama mahnô machâ karôpa, a thi daihmâpa ama zanazy he hmo hmeiseihpa a châ. Kheihta ma ama tao ha rai tly eima tah ngyu aw, pachuna phapa dao ei ta, ama hro liata zana ama vaw palâsapa kha sawzy ta ama vaw rei tyhpa vâta a châ.

3. Saw Thyutliapa chhihthana liata Nô maophaohna: *Locho no sawzy cha, chyhsa thatlôpa ku liata chatai a ypa hawhna he ama châ* (Hlazy 127: 4) Thyutliapazy he châtai nata pakhopâpa ama châ. Ama tha nata palôhrupa thatlôna daihti châ ta, nôpaw nata chhôhkha liata rairuna a tao chaituhpa ama châ hra. Cha hleikhô ta khizaw hmahsiena thatlô ngaitapa; Media hmahsiena- Mobile, TV nata Video-zy ta moleina a thata papôh ta, eima thyutliazy hmaohkha liata a chhi hai ta, a phaoh hai ei. Khipi liata a pahrâpa nata thotlâh liata a pahrâpa chhao atahmâ cha miakha sai eima châ thlâh haw; châ achuna nata khâpa vâta tlyma thotlâh sawzy chhao khipi liata y ei ta, a boh hlei veih ei.

Nôzy ta eima râh liata hmo tlôpa he eima pachâ pasia beih tly ma? Eima Siaha khipi liana tlai heta thyutliapa Sâta achhupa ama hluk kaw bâ tahpa report daopa a châ. Achu pasia haipa a châ. School liata Sâta ngiana ama ropa hluhpi hmô awpa y ta, thlâ su liata atheihna ama hnei tyh tahpa ta reipa a châ. Atahmâ he eima pangiasapa hlâta thyutlia hluk via, eima saw nahzy he hro hnabeidypa ta y ei ta, ama hnabeidyna, thathi tlôh, hlaotloh kho tlôh tahpa vâta Sâtâ achhyna lâ taih ama sie hôlô bâ. Achu via awpa a hluk kaw.

Chahawhpa a châ nota eima KNP nônahzy kha ahy tlyma ta, “Na sawchanô/sawchapaw cha Sâtâ achhytuhpa hry liata a y” cha tah ei sala, nama zo ma? Zo cha rei lei, eima hie a hâh thlâh ha aw. Châhrasala eima saw, eima chhôhchhipa tlaizy he chahawhpa duasu liata ama y thlâh haw. Hiehâh thlâh ha leipa ta, apyh ta, hnabeidy leipa ta, thlahchhâna chôta eima sawnahzy he khâpa ma ama tao tyh, ahyzy ma amâ pakyh tyh? ama hro achu pasia awpa he nôzy maohphaohna a châ. Nôzy ta eima sawchanô/sawchapawzy he pahnopasia via awpa peimawh ta, bao thei awpa

ta eimâ chhuahnoh awpa he eima maohphaohna a châ. Eima maohphaohna he khizaw hmahsiena raoh ta, hmah pasiesa hra ei suh u.

4. *Vahpa deichhyna liata nô maophaohna:*

1) *Akaolâhpa zana:* Eima rei chai tyhpa cha ‘lahpinô ta vahpa za awpa a châ’ tahpa he a châ. Nôzy ta maohphaohna lai kawpa eima hneipa, eima rei pakhô ha tyhpa cha ‘vahpazy zapa châ hra awpa’ he a châ. Eima râh liata Nô ta sawzy he ama paw ngâlâh pazasa/pachisa pi ta, nô a mohhôhtuhpa hmâhchhâh kha khâsaw ta apareisa tyh ma pi. ‘Na paw ta a cha ra aw’ tah pi ta, nô ta ra leipa pi ta, ‘Na paw ta a cha chhei aw’ tah pi ta, keimo ta chhei tlôh pi va. Saw a vaw uhthei daihti liata paw ngâlâh ama vaw chi/za ha bâ, a chhâpa cha vahpa ta lahpinô azana a palâsa leipa vâta a châ. Kaolâhpa aza veichâhna he nôvah liata a y thei nawpa ta nô ta maohphaohna lai kawpa a hnei.

2) *Nôvah palôhraohna:* Nôzy maohphaohna apeimawh kawpa cha sawzy mohhôhna kyh liata Nôvah reiraohna he a châ. Vahpa rei araohkhei awpa cha Nô maohphaohna a châ. Chanô cha pizie liata ngiachhiena ahneipa nata palâsa patoh viapa ama châ. Vahpa ta saw a ra awpa akhoi rai rai leipa ama y. Chavâta nô ta saw ado leinazy a phih tyh. Cha chata rairuna lai viapa a tlôkhei tyh. Sawzy hmiakô liata nôvah ahryuna a y awpa châ vei. Saw ta nô nata paw a za/chi raihrie theina awpa ta, nô ta saw ara nota paw ta a lahpin khâchâ â châh awpa a châ. Chahawhpa hrata paw ta saw ara daihti ta nôta a vahpa cha khâchâ â châh hra awpa a châ. Chahawhpa ta nôvah reiraohna a y thei nawpa ta lahpinô ta maohphaohna a hnei.

3) **Vahpa Pasopakâtuhpá:** *Behind every success man there is a women* ‘chapaw hlaotlohna he hm leipa liata chan raihriana theilâpa a châ’ tahpa ta mongyu bieso ta a reih. Vahpa cha athai-so kawpa châ hrasala a siapakipa/phapakipa châ khai hlei veih ei. A phahlana nata tloh leina hluhpi ahnei hrapa ama châ. Nie tluana liata, raihriana, Abeipa chakaona, chhôhkha mohhônna etc etc liata chhaota, ama taopha leipazy liata pasopakâtuhpá nata kao to liata a vaw deichhy awpa cha lahpinô he a châ.

4) **Vahpa Pasyutuhpa:** Chanô cha daotheipa hnabeiseihna ahnei via awpa ta Khazohpa taopa eima châ eima tah ha khaw. Chapaw cha atlâhpi asohsi thei lei viapa, pathichhie viapa, daothei lei viapa ta ama châ. Chavâta ama raihriana kyh liazy chhao ta hlaotlohna thlai ama hmô lei daihti liazy ta thachhiena ama hnei tyh. Chahawhpa daihti liata thatlônna amâ la heih theina awpa ta pasyutuhpa phachaiapa cha lahpinôzy he ama châ.

Conclusion: KNP member-zy ta eima pahno awpa nata athei thlâh ha awpa cha; Chanôzy he Khazohpa lyupa ta taopa eima châ tahpa he a châ. Eima ochhôn, khitlâh nata râh liatazy khâpa ma eima duahmo a châ tly? Mohnao awpa nata tu-daih awpa ta taopa châ leipa pi ta, phaohri atah kawna chôta pahnie leina taihta, seizy hawhta raihria ta, chhâ palo thlâh ha awpa châ hra ma pi. Khazohpa khozie hawhta hroh ta, saw sa ta, mohhôn ta, vahpazy deichhy, pasopakâtuhpá chanô châ awpa ta taopa eima châ. Nô maophaohna âsâh chaipa nata peimawh chaipa cha “Chhôhkha Phapa Paduapa” he a châ. O chhôn a pha khiah chakaona chhao a pha aw. Abeipa ta he article nawh kawpa he byhnâ pie mawh sy.

Amen.

BEIHPARI SUNDAY

Pastor Laikhai paw

“Eima hnohta tlô mah y, zâlâ daihmâ ha ta, noh chhao a tla daihmâ ha hi...” (Lk. 24:29)

Beihpari â vaw thaona: Kô 200 daihmâ vaw khô hapa liana khata Khasi râh liata Khasi Nôhmei pakha heta Awnanopa liata thyuna thyu awpa he khoh kaw tyh ta, châhrasala thyuna awpa cha hnei thei beih leipa ta, thyu hra awpa cha khoh kaw tyh tlô ta.

Thyuna sôh a thyu thei hra nawpa kao atha ta pachâ tyh ta, he hawhna heta vaw pachâ papua ha ta. Beih a chho awpa chy maih ta, a beihchho awpa sapha a li papua chiehpaw tawhta a kupazah hmo kha phâ tyh ta, cha cha pachô lymâ ta, cha a sapha pachôpa cha tâkâ lâta pachâsa ta, cha a tâkâ cha thyuna sôh châta pie tyh ta. Chahawhna chata thyuna sôh cha vaw hnei thei ha tyh ta.

Ama pati nie awpa cha akhi leipa ta y tlôh leipa ei ta. Chahawhpa ta a taopa cha mohropa chhaoa vaw pahno ei ta, kawh via lymâ ta. Chatawhcha, Beihpari he Khasi Awnanopa liata thyuna sôhnhawh peimawh kawpa miakha châta vaw hmâh ei ta, atanoh taihta sôhnhawh i-pa miakha peimawh ngaitapa ta ama hmâh lyma haw.

Mawrâh liata avaw thaona: Kô 1910 liata Pi Zosaphluii (Mrs. D.E. Jones) nata Pi Siniboni, (Khasi) zy ta Khasi râh lâ ama sie no ta, cha Beihpari thâtih cha vaw pahno ei ta, a pha ama tah kawpa vâta Aizawl Mission vaih Nô py Committee ta pachâ ei ta, Achhyna O sana nata niebaw aphahla viapazy baona châta chakaona ta

hmâh awpa ta vaw pathlu ei ta. Chatawhtha cha, Beihpari (Buhfaitham) he Mawrah liata ama vaw hmâh pathao haw hra.

Mara râh liata Beihpari: Kô 1951 pa liata Mara rah liata Krizyha Nô Py a vaw duah ta, kô-10 daihmâ â vaw duah tawhta Khasi râh tawhta Maw rah Nô py zyta Beihpari chakaona ama la pachhua hpa nata ama hmâna zie zy vaw pahno hra ei ta, Nô nahzy hmahlana tlai ta, Beihpari cha pathaopa a vaw châ haw hra. Mara rah liata cha Amôtlâh bia lâ tawhta hmâh pathaopa ta pahnop a châ.

ECM Assembly ta â pyhna: Kô 1957 hlâta khi thokha liata Beihpari he hnei/hmâh pathao hapa châ ta. Lakher Pioneer Mission (LPM) Golden Jubilee kô March 21–23, 1957 ta Lorrain Ville liata Lakher Pioneer Mission (LPM) Assembly hneipa liata Awnanopa ta Beihpari a siekhei nawpa dâh sia viapa zy vaw pachâ ei ta. “Beihpari thyuna cha kô 1957 April thla tawhta khi to liata chhôhto ta hnei chyu awpa tahpa châ ta, a sôh cha Biatuhpa Pastor ku liata pie chyu awpa” tahpa a châ. Khahlâ viata cha Pastor bia chahlôpazy ta Beihpari sôh he la pakhy ei ta, Hqrs liata ama pangia tyh. Atanoh cha Misson sôhnhawh i-pa nata peimawh ngaitapa ta a vaw châ haw

Ngiatlâh a châpa thokhazy:

1. Daihti vâro tlai KNP ta Beihpari ama thyuna 50 % he Assembly lâ ama pangia tyh.
2. Kô 1994 Amôtlâh Assembly tawhta Beihpari he General head liata sopa a vaw châ.

3. Kô 1997 Theivâ Assembly tawhta Beihpari he Mission Head liata sopa a vaw châ. Atahmâ cha Mission sôhnhawh lai chaipa a vaw châ haw.
4. Kô 1956 liata Beihpari thyuna zydua cha Rs. 190/- a châ. Kô 1957 liata Beihpari thyuna Rs. 1447/- a châ.
5. Kô 2012-2013 Beihpari target cha Rs. 77 lakhs a châ. Kô 2013-2014 Beihpari target cha Rs. 87 lakhs a châ. Kô 2014-2015 Beihpari target cha Rs. 119 lakhs a châ
6. Kô 2012 liata ECM KNP Pakhyi bie pathlupa hawhta kô charei Abeipa noh ei thôhna he Assembly ta Beihpari Sunday ta phuah awpa ta a haw ta, paryhsapa a châ. Atakô 23rd March, 2014 he a ei-2 châta Beihpari Sunday eima hmâna awpa a vaw châ. Kô chareih ta March Abeipa noh ei-3-na he Beihpari Sunday ta a hmâh tyh awpa a châ aw.



Taokheina:

MACHA C. HMEIKHAI EIMA CHHAIH HAW

*Machâ BH. Sibeï, Secretary
ECM Local Church, Chakhei*

Machâ C. Hmeikhai he kô 1913 Feb, 4 liata puhpa Koma Chozah (L) nata pihnô T. Nychia (L) saw pachariepazy hry liata a uhtheipa lâ tawhta reipa ta 4-na châpa ta khizaw khaihpa a vaw hmôpa châ ta. Châkhei râh Malih khih liata pih ta, kô 1944 liata saw hlâna nata batina pakaohpa ta Rev. K. Heisa ta bati a pachâsapa a châ.

Kô 1945 liata pihnô C. Nôthlei nata ahnei ei ta, Rev. S. Chhôhlei ta ku a patusa ei. Sawchapaw 1 nata sawchanô 2 hnei ei ta, samoh 20, sahlâh 16 nata sachhieh 1 hneipa ta a chakao tyhpa Abeipa Khazohpa lâta Dt. 12th Feb, 2014 zâlâ 1:45pm pata thadâh kawpa ta rôhnahna râh lâ miah â disai haw.

1. Sapa / Khihtlâh liata a chakaonazy: Machâ C. Hmeikhai he Abeipa ta Chakhei zawpi châta Talent rôhnah kawpa a piepa châ ta; chyhsa so kawpa, ryhrao thai kawpa nata ryurei tlâhtla a thaipa, nôhmei hârapazy nata khihsaw liata nie hnei leipa ta a pavia awpazy kyhpachâna hneipa ta a hmo hneipazy I leipa ta a pasaih kaw tyhpa a châ. Zawpi a chakuh chavei thai kawpa chyhsa a châ. Chakhei Village Council liata President term 3 tlai a vaw patupa a châ (Kô 1953-1958, 1959-1963, 1980-1983). Tahmâ nota Chakhei khih liata Department nawhraih kawpa a ypa sahlao – Middle School, Supply Department, Vety Department nata Thohna o zy he ano ta zawpi châta a vaw hia papuapa nata hlaotlohpazy sai a châ.

2. Awnanopa liata a chakaonazy: Machâ C. Hmeikhai he Chakhei khiih liata awnanopa â vaw dua thao no tawhta chhihthatuhpa châ ta, kô 1945 liata Rev. S. Chhôihei ta awnana chhihthatuhpa châta a vaw chahnaopa châ ta, he daihti nona cha Khiihchhôi machâ eihhrâhpa y leipa ta, machâ tahpa sai ta awpa ama châ. Local Treasurer liata term 2 tlai vaw hria ta, Sunday School Pitlohpa pachutuhpa liata kô 3 tlai a vaw chakao. KNP Advisor liata term 2 a vaw chakao ha hra. Local Achhyna o sa nawpa kyh liata pachâ peimawh kaw tyhpa châ ta, achhyna o hmiatuapa sana daihti liata Building Board Chairman zy châpa ta hmia a chhihtuh chai tyhpa a châ.

3. Mopâtlâh a chânazy:

1. Awnanopa pakhyna nata Committee pachâ peimawh kaw ta, ahnatlâ chhôi absent beih vei.
2. Awnanopa tlâhraizy papeimawhsa kaw tyhpa châ ta, ano pôhpa ta hmia a chhihtuhpa a châ lymâ.
3. Eima Local tawhta tlâh leina vâta su hro lâ ta Hospital a ngaipazy Local mohta baona a patohpatia tyhtuhpa a châ.
4. Nôhmei hârapazy kyhpachâ kaw tyhtuhpa nata niebaw rairupazy a theina rakha ta a mohhôi tyhtuhpa a châ.

Kô 2013 pa tawhta cha a sapa kô chhao kô 100 lai vaw châ ha bâ ta, Abeipa châta nata chhôi kha châta hria theipa hnei khao leipa hlâta cha a chakao tyhpa Abeipa hnohta thlahchhâna yzie hawhta Dt. 12th Feb, 2014 zâ 1:45 liata he khizaw nôpo rietheina râh he hnôhchhya ta Rôhna hna râh lâ miah â disai haw.

A chhôi kha, a sawnahzy nata a hrialâhpa a siesaipazy Abeipa ta hrôbieh ei sala, byhnâ pie lymâ mawh sy.

KRIZYHPA CHIAHMIE
REGD.NO.NE. - 394 (MZ)

If undelivered please return to
E.C.M. Office Siaha P.O. Saiha - 796901
Saiha District, Mizoram.

A mã bu 1 Rs. 10/-